

春天赏花的诗句唯美动听

1.小院春风木下家，长街短卷插樱花。——老舍《赠木下顺二》

2.
隐隐飞桥隔野烟，石矶西畔问渔船。桃花尽日随流水，洞在清溪何处边。
。——张旭《桃花溪》

3.
穆湖莲叶小于钱，卧柳虽多不碍船。两岸新苗才过雨，夕阳沟水响溪田。
。屋上鸠鸣谷雨开，横塘游女荡船回。桃花落后蚕齐浴，竹笋抽时燕便来。
。——朱彝尊《鸳鸯湖棹歌》

4.
造物无言却有情，每于寒尽觉春生。千红万紫安排著，只待新雷第一声。
。——张维屏《新雷》

5.门外小桥寒食夜，月明人去杏花残。——《捣练子·初酒醒》

6.
桃花欲落柳条长，沙头水上足风光。此时御辔来游处，愿奉年年袂褰觞。
。——刘宪《上巳日袂褰渭滨应制》

7.
一陂春水绕花身，花影妖娆各占春。纵被春风吹作雪，绝胜南陌碾成尘。
。——王安石《北陂杏花》

8.
压倒群芳，天赋与、十分秾艳。娇嫩处、有情皆惜，无香何慊。恰则才
如针粟大，忽然谁把胭脂染。放迟开、不肯媚梅花，羞寒俭。时易过，

春难占。欢事薄，才情欠。觉芳心欲诉，冶容微敛。四畔人来攀折去，一番雨有离披渐。更那堪、几阵夜来风，吹千点。——刘克庄《满江红·海棠》

9.醉漾轻舟，信流引到花深处。——秦观《点绛唇·桃源》

10.

何事春风容不得？和莺吹折数枝花。——王禹偁《春居杂兴·两株桃杏映篱斜》

11.

念远心如烧，不觉中夜起。桃花带露泛，立在月明里。——聂夷中《起夜来》

12.绿杨烟外晓寒轻，红杏枝头春意闹。——宋祁《玉楼春·春景》

13.

细雨桃花水，轻鸥逆浪飞。风头阻归棹，坐睡倚蓑衣。——韩偓《野钓》

14.

西塞山前白鹭飞，桃花流水鳊鱼肥。青箬笠，绿蓑衣，斜风细雨不须归。——张志和《渔歌子》

15.樱花万树笼香雾，好春合向蓬莱度。——黄侃《菩萨蛮》

16.

桃花一族开无主，可爱深红爱浅红。——杜甫《江畔独步寻花七绝句》

17.

山桃红花满上头，蜀江春水拍山流。红花易衰似郎意，水流无限似依愁。——刘禹锡《竹枝词》

18.

云母空窗晓烟薄，香昏龙气凝晖阁。霏霏雾雨杏花天，帘外春威著罗幕。曲阑伏槛金麒麟，沙苑芳郊连翠茵。厩马何能啮芳草，路人不敢随流尘。——温庭筠《阳春曲》

19.
南内墙东御路旁，须知春色柳丝长。杏花未肯无情思，何事行人最断肠。——温庭筠《杨柳枝》

20.
几树繁红一径深，春风裁天剪锦成屏。花前莫作渊材恨，且看杨妃妃睡未醒。——杜汝能《海棠》

21.
孤舟路渐赊，时见碧桃花。溪雨滩声急，岩风树势斜。猕猴垂弱蔓，鹤鹤睡横槎。谩向仙林宿，无人识阮家。——许浑《宿东横山》

22.
梅花谢后樱花绽，浅浅匀红。试手天工，百卉千葩一信通。余寒未许开舒妥，怨雨愁风。结子筠笼，万颗匀圆讶许同。——赵师侠《采桑子》

23.
此花名价别，开艳益皇都。香遍苓菱死，红烧踯躅枯。——王建《赏牡丹》

24.昨夜风开露井桃，未央前殿月轮高。——王昌龄《春宫曲》

25.
草堂燕子未归时，香鼎灰飞入砚池。看彻唐人诗一卷，夕阳犹在杏花枝。——吴惟信《春咏》

26.
花跗芳侈，丛刺子梗。不可把玩，艳以妍整。——宋祁《倒仙牡丹赞》

27.

白花冷淡无有爱，亦占芳名道牡丹。应似东宫白赞善，被人还唤作朝官。
。——白居易《白牡丹》

28.

朱唇一点桃花殷，宿妆娇羞偏髻鬟。细看只似阳台女，醉著莫许归巫山。
。——岑参《醉戏窦子美人》

29.

庐陵太守近隳官，霞帔初朝五帝坛。风过鬼神延受箓，夜深龙虎卫烧丹。
。冰容入镜纤埃静，玉液添瓶漱齿寒。莫遣桃花迷客路，千山万水访君难。
。——戎昱《送吉州阎使君入道二》

30.白花冷澹无人爱，亦占芳名道牡丹。——白居易《白牡丹》

31.

溪边照影行，天在清溪底。天上有行云，人在行云里。高歌谁和余？空
谷清音起。非鬼亦非仙，一曲桃花水。——辛弃疾《生查子》

32.

不待春风遍，烟林独早开。浅红欺醉粉，肯信有将梅。——梅尧臣《初
见杏花》

33.

杏花墙外一枝横，半面宫妆出晓晴。看尽春风不回首，宝儿元自太憨生。
。——元好问《杏花杂诗》

34.

小桃初破两三花。深浅散余霞。东君也解人意，次第到山家。临水岸，
一枝斜。照笼纱。可怜何事，苦爱施朱，减尽容华。——李弥逊《诉衷
情·次韵他伯纪桃花》

35.桂花香馅裹胡桃，江米如珠井水淘。——符曾《上元竹枝词》

36.

芳园垂老惭为主，门巷开除即是家。不知樱树春能早，便把樱花作杏花。
。——李梦阳《新买东庄宾友携酒往看·其一》

37.

玄都观里桃千树，花落水空流。——元好问《人月圆玄都观里桃千树》

38.

清明时节雨纷纷，路上行人欲断魂。借问酒家何处有，牧童遥指杏花村。
。——杜牧《清明》

39.

为爱名花抵死狂，只愁风日损红芳。绿章夜奏通明殿，乞借春阴护海棠。
。——陆游《家园》

40.

春色照兰宫，秦女坐窗中。柳叶来眉上，桃花落脸红。拂尘开扇匣，卷
帐却薰笼。衫薄偏憎日，裙轻更畏风。——陈子良《新成安乐宫》

41.

苍龙夭矫停今雨。正不待、云吞雾吐。绝笑大夫松，今古闲言语。清光
冷艳侵人处。漏月影、婆娑自舞。拟作岁寒人，此愿天应许。——吴潜
《海棠春》

42.犬吠水声中，桃花带露浓。——李白《访戴天山道士不遇》

43.

城南送归客，举酒对林峦。暄鸟迎风啭，春衣度雨寒。桃花开翠幕，柳
色拂金鞍。公子何时至，无令芳草阑。——李颀《送窦参军》

44.

桃花灼灼斗春芳，一见如云满目光。不识冬来霜雪遍，芳意争似竹松长。
。——詹初《桃花》

45.

红楼金刹倚晴冈，雨雪初收望汉阳。草檄可中能有暇，迎春一醉也无妨。
。——李涉《早春霁后发头陀寺寄院中》

46.

粥香饧白杏花天，省对流莺坐绮筵。今日寄来春已老，凤楼迢递忆秋千。
。——李商隐《评事翁寄赐饧粥走笔为答》

47.

春风先发苑中梅，樱杏桃梨次第开。荠花榆荚深村里，亦道春风为我来。
。——白居易《春风》

48.

洞里仙春日更长，翠丛风翦紫霞芳。若为笏史通家客，情愿扣壶入醉乡。
。——段成式《牛尊师宅看牡丹》

49.雨后却斜阳，杏花零落香。——温庭筠《菩萨蛮》

50.

赁宅得花饶，初开恐是妖。粉光深紫膩，肉色退红娇。——王建《题所赁宅牡丹花》

51.

惆怅阶前红牡丹，晚来唯有两枝残。明朝风起应吹尽，夜惜衰红把火看。
。——白居易《惜牡丹花》

52.桃花开蜀锦，鹰老化春鳩。——元稹《咏廿四气诗·惊蛰二月节》

53.

香灯伴残梦，楚国在天涯。月落子规歇，满庭山杏花。——温庭筠《碧涧驿晓思》

54.

暖披烟艳照西园，翠幄朱栏护列仙。玉帐笙歌留尽日，瑶台伴侣待归天。
。香多觉受风光剩，红重知含雨露偏。上客分明记开处，明年开更胜今

年。——齐己《题南平后园牡丹》

55.渔舟逐水爱山春，两岸桃花夹古津。——王维《桃源行》

56.

看到繁枝处处开，韶光骀荡锦成堆。春归沧海刚三月，骨醉东风又一回。花气连云收暮雨，涛声催昼送轻雷。道人摩眼空吟望，无复当年侧艳才。——郑孝胥《樱花花下作·其四》

57.画楼春早，一树桃花笑。——凌廷堪《点绛唇·春眺》

58.

竹边台榭水边亭，不要人随只独行。乍暖柳条无气力，淡晴花影不分明。一番过雨来幽径，无数新禽有喜声。只欠翠纱红映肉，两年寒食负先生！——陈与义《春晴怀故园海棠》

59.

东郊和气新，芳霭远如尘。客舍停疲马，僧墙画故人。沃田桑景晚，平野菜花春。更想严家濑，微风荡白苹。——温庭筠《宿沔曲僧》

60.

小园新种红樱树，闲绕花行便当游。——白居易《酬韩侍郎、张博士雨后游曲江见寄》

61.

安得舍罗网，拂衣辞世喧。悠然策藜杖，归向桃花源。——王维《菩提寺禁口号又示裴迪》

62.

小楼风定月初斜，紫玉新枝绾落霞。睡起不堪重秉烛，春来愁杀海棠花。——董少玉《海棠花》

63.

万缘销尽本无心，何事看花恨却深。都是支郎足情调，坠香残蕊亦成吟

。——吴融《和僧咏牡丹》

64.

疏帘不卷东风，一枝留取春心在。刘郎别后，年时双鬓，青青未改。冷落天涯，凄凉情绪，与花憔悴。趁红云一片，扶侬残梦，飞不到，垂杨外。——张惠言《水龙吟·瓶中桃花》

65.

中司出华省，副相晋阳行。书笈偏州启，筹参上将营。踏沙夜马细，吹雨晓笳清。正报胡尘灭，桃花汾水生。——无可《送薛重中丞充太原副使》

66.

轻黄不似首春时，果是青青但此枝。欲识花无与花有，且言春去竟何之。——曹于汴《迎春花》

67.何处哀筝随急管，樱花永巷垂杨岸。——李商隐《无题四首·其四》

68.

病眼看书痛不胜，洛花千朵焕双明。浅红酡紫各新样，雪白鹅黄非旧名。抬举精神微雨过，留连消息嫩寒生。蜡封水养松窗底，未似雕栏倚半醒。——杨万里《牡丹》

69.

紫陌红尘拂面来，无人不道看花回。玄都观里桃千树，尽是刘郎去后栽。——刘禹锡《游玄都观》

70.

海棠风韵玉梅春。小腰身。晓妆新。长是花时，犹系茜罗裙。一撮精神娇欲滴，说不似，画难真。楼前江柳又江云。隔音尘。泪沾巾。一点征帆，烟浪渺无津。万斛相思红豆子，凭寄与个中人。——刘过《江城子·海棠风韵玉梅春》

71.

采菱渡头风急，策杖林西日斜。杏树坛边渔父，桃花源里人家。——王维《田园乐》

72.

云色皎绡拭泪颜，一帘春雨杏花寒。几时重会鸳鸯侣，月下吹笙和綵鸾。——唐彦谦《无题》

73.颠狂柳絮随风去，轻薄桃花逐水流。——杜甫《绝句漫兴》

74.山深未必得春迟，处处山樱花压枝。——方岳《入村》

75.

手把杏花枝，未曾经别离。黄昏掩闺后，寂寞自心知。——戴叔伦《杂曲歌辞·新别离》

76.

明日城东看杏花，叮咛童子蚤将车。路从丹凤楼前过，酒向金鱼馆里赊。绿水满沟生杜若，暖云将雨湿泥沙。绝胜羊傅襄阳道，车骑西风拥鼓笳。——殷尧藩《春游》

77.

真宰无私妪煦同，洛花何事占全功？山河势胜帝王宅，寒暑气和天地中。尽日王盘堆秀色，满城绣毂走香风。谢公高兴看春物，倍忆清伊与碧嵩。——司马光《和君贶寄河阳侍中牡丹》

78.

凤策联华是国华，春来偶未上仙槎。乡连南渡思菰米，泪滴东风避杏花。吟聒暮莺归庙院，睡消迟日寄僧家。——郑谷《同志顾云下第出京偶有寄勉》

79.

枝间新绿一重重，小蕾深浅数点红。爱惜芳心莫轻吐，且教桃李闹春风。——元好问《同儿辈赋未开海棠》

80.村落晚晴天，桃花映水鲜。——袁枚《题画》

本文链接：<https://duanjuziku.com/duanjuzi/6q1c3s6ic5.html>